

宋會要輯稿

第五冊

宋會要輯稿

職官 原書第一百二至第一百六冊
選舉 原書第一百七至第一百二十冊
食貨 原書第一百二十一至第一百二十六冊

全唐文

續會要

黜降良十

紹熙元年六月四日詔權刑部侍郎吳博古刑部郎中
俞致大理少卿呂公進各降一官大理評事史彭祖降
兩資皆以勘滿額伯等隱落省試代筆條法故也 十
二日詔知信州鉛山縣張升卿放罷以守臣梁季琚言
其所准官物移易預借專事科罰追擾平民故也 同
日知蘭州新政縣張應回降一官放罷以本路提刑朱
致知言其貪婪苛虐不恤百姓專以科歛納賄為務故
也 十三日詔知溫州湯碩知處州喻良能並別與開
慢差遣以言者論碩多疑自用下情不通凡所舉措十

卷三十八百九十二

事九錯良能年老多病語言蹇澁詞訴積壓處事乖方
故也 二十二日詔新知鄂州陳峴罷新任以言者論
其累政無狀故也 七月二日詔國子正江士龍太社
令富瑄提轄權貨務都茶場朱軾禮兵部架閣文字馬
先覺並與外任皆以臣僚論非其才也 同日詔武翼
郎士珪特降授修武郎不遣不選送西外宗正司收管
士珪寄居建寧縱容男不遣不選聚集不逞毆打居民
醜醋屠牛官司不能禁約至是守臣具奏來上故有是
命 同日詔知萬州章嗣放罷以本路運判張玠論其
傾邪狠愎并欠四川總領所折估錢不解故也 同日
詔知肇慶府林次齡降兩官放罷以廣東提舉劉坦之

言其軟差虞兵監勒石匠深入岩水打硯致傷損身故
又將常平錢以修門為名違法支用乞賜罷黜故有是
命 二十一日詔大理司直王輝放罷新知靜江府陳
賈罷新任以殿中侍御史林大中言輝專事奔競出入
臺諫給舍之門以希進用賈昨為臺諫彈論徇私納賂
一節尤為可鄙難任郡寄故有是命 二十八日詔前
知撫州趙應判官趙公翊司法周簡並放罷以本路提
舉黃維之言其交通賄賂皆有實跡故有是命 八月
一日詔鎮江府駐劄御前遊奕軍統領豆汝礪放罷以
本司言其率意妄作恣興工役不徇分守職事乖謬故
也 二十一日詔江東提舉周必正放罷以監察御史

卷三十八百九十三

虞傳言其端居廨舍按部絕布民間詞訟書判不行故
有是命 二十八日詔知嚴州張璵放罷以言者論其
荒于酒色郡事付之吏胥徵歛本排過數抽解鋪兵食
錢擅行住支以資妄費乞賜罷黜故有是命 九月二
十五日詔新知明州蔡戲司農卿總領湖廣江西京西
財賦梁總並與祠祿並以左諫議大夫何澹論其事君
而不知尊敬見得而不知顧恥故也 二十七日詔提
轄權貨務錢著放罷以殿中侍御史林大中言其居官
無狀故也 同日詔新知興國軍趙不困罷新任以臣
僚言其前知邵武光澤縣用驅僮之術侵欺官錢貪殘
不法故也 二十八日詔新湖北運副李結差主管建

寧府吳山冲佑觀理作自陳以右正言鄧駟言其為縣為郡為監司皆刻剥害民之事累汙白簡乞罷新命故也 十月十四日詔司農寺簿俞言放罷以監察御史虞俸言其天資浮躁濟以姦佞貪穢之行眾所不齒故有是命 二十七日詔知全州施廣文與官觀以本路運判陳傳良言其拖下綱運不曾解發方且預借民稅重為困擾乞賜罷黜故有是命 二十八日詔提舉江南西路常平茶鹽黃維之放罷以臣僚言其任情殘法故有是命 同日詔潭州通判曾慤秀州通判葉輅並放罷皆以臣僚言其貪殘不孝故有是命 十一月一日詔後軍統制雷世忠後軍統領楊世雄選鋒軍統領

卷三十八

李顯明各特降一官坐總轄牧放馬倒斃數多故也 同日詔護聖馬軍權軍李世存仍舊充後軍統領坐虛作買車到場盜破官錢入已為殿前副都指揮使郭鈞所按也 三日詔建寧府建陽縣丞徐呆特降一官故罷以本路提舉陳杞言其信任人吏連榮縱容乞覓侵盜官錢故也 九日詔知普州趙伯總特降二年磨勘以本路運判言其擅支移寄糶米不曾補還也 二十五日詔新除國子正王公邁罷新任以臣僚言其輕儇浮浪素非令器所至遺失乞賜罷黜故也 二十九日詔知衡州張晞知錄徐棟推官趙伯謙監稅李彥昌並先次放罷內徐棟令本路提刑司取勘聞奏以本路運

判趙伯過等言晞信任棟等恣為不法姦賊非一乞先行罷黜故有是命 十二月六日詔知池州貴池縣王萊降一官放罷以臣僚言其暴虐不法凌滅守臣張奎奎乞回避故也 十二日詔新愛路提刑陳季習新知常州曹邦別與聞慢差遣新知常德府王進之與祠祿以御史中丞何澹言季習疾病之餘邦才力不逮進之素無廉聲故也 十三日詔知江陵府閻詹舒放罷以御史中丞何澹言其在興元則故縱賊吏在江陵則貪暴無恥乞賜罷免故有是命 二十一日詔新知英州鄧重罷新任以臣僚言其累任不法故也 二年正月二日詔入內侍省西頭供奉官黃遵特降一官送吏

卷三十八

部與差監撫州鹽礬酒務日下出門坐違犯本省約束故也 九日詔新除江西提刑譚惟寅罷新任以臣僚言其頃倖靜江諂事磨儀之妾作害民及累任賊汙不法故也 同日詔知秀州趙亮夫放罷以臣僚言其孝行有虧閨門不肅律已不廉治民不恤乞賜罷黜故有是命 同日詔右監門衛大將軍不嚴特降一官以臣僚劾不嚴為太廟奏告官致齋之夕輒過多才幕次飲酒至醉暨翌旦行事傲側之狀自不支吾故也 二十一日詔國子司業樓鑰降一官坐為銓試考試官失覺察賈德言等代筆事故也 二十五日詔知盱眙軍霍荒與祠祿臣僚論其斷阿賈毆死郭公事謬妄故有是

命 二月十二日詔福建提刑豐誼知建寧府陳倚並差主管建寧府武夷山冲佑觀知建寧府浦城縣趙師達追一官勒停巡檢耿懷忠降一官放罷縣尉方贊特降一官放罷並生浦城縣盜發不即收捕故也 二十三日詔池州駐劄御前諸軍都統制李思孝放罷以殿中侍御史林大中言其專事貪賄虐士卒而害齊民軍民疾之如仇讎故也 二十七日詔湖州通判趙善級特降一官放罷以本路運判趙伯過言其合當處用畏暑憚行令吏人樊珙下縣乞取故也 三月九日詔新知通州張仲梓新知江陰軍吳津並與官祠以臣僚言其貪汙也 二十一日詔新知利州宇文子震罷新任

卷三百九十二

以殿中侍御史林大中言其前任准東總領及知鎮江賊汙狼藉嘗遣降官勒停故也 四月七日詔知歙州任濟放罷以本路運判劉光祖言其酷刑貪賄故也 同日詔知資州王公邁與閭閻差違以本路運判劉光祖言其治郡無狀故也 二十六日詔知臨江軍錢密知邵武軍趙師造並放罷以臣僚言其郡政不理飲燕度日師造貨賂交通郡政穢濁乞並罷黜故也 五月十二日詔新江東提刑呂公進與閭閻州郡新知洋州陳榛與參議官以臣僚言公進人物閭閻前為棘寺官斷刑輕重大當榛人物凡俗在棘寺每斷一案必須飲酒斗餘然後下筆輕率故也 同日詔廣東提舉劉坦

之知湖州丁允元並放罷臣僚論其貪酷也 十八日詔知東州黃勛降一官不得與親民差違勛丁母憂不行喪禮執留牌印支破官錢盡以入己及拖下月椿錢不肯解發皆以妄用為本路運判鄭汝諧所奏也 二十四日詔新大理司直陳顯公與閭閻差違以臣僚言其除授起跳故也 同日詔知遂州馮俊放罷知懷安軍張選不許注授州軍差違以臣僚言俊累政無狀專事貪黷違冒于貨賄雖常平錢物亦復侵欺故也 六月六日詔新知英州張茂選差主管台州崇道觀以臣僚言其貪墨不法累遭論列故也 二十二日詔惟發遣澧州萬良招放罷以本路運判薛叔以言其責公庫

卷三百九十三

酒而不入經制私糴軍糧刻剝兵士貪狀寔露故也 同日詔大理少卿張續差主管建寧府武夷山冲佑觀以御史中丞何澹言續天資頗險貪得好進遽為棘卿舉動輕肆年未奇獄屢空聖朝不欲崇尚虛文不許拜表稱賀而續輒易其名為執空頃以獻機佞故有是命 二十四日詔前池州駐劄御前諸軍都統制李思孝特降一官以殿中侍御史林大中言思孝軍中兵卒行刳殺人等發思孝隱庇反誣縣尉石應孫鑿空撰造軍情不安致其對換閭閻差違近池州捕到賊雷二所供乃知作過者皆軍中所管其誣罔可見故有是命 同日詔新知興國軍胡介新通判紹興府韓枝新知臨安

職官七三之七

府富陽縣張杰並罷新任以殿中侍御史林大中論介
皆利無恥杖貪殘害物杰劾持濟私故也 二十八日
詔知徽州趙彥恂降兩官通判李法言盧瑛各降一官
並放罷以本路提刑傅伯壽言新安火災彥恂夜飲于
法言之居守倅皆醉救撲甚緩而又役使兵卒嚴挈家
屬行李人力不給致其蔓延故也 七月七日詔利州
東路安撫司參議官權知金州林樞特降一官放罷通
判陳京特降一官坐本州遺火延燒官舍故也 二十
一日詔新和舒州李天下罷新任以御史中丞何澹言
其累政不以百姓為念一意培植以歸私節故也 二
十五日詔新湖北提刑張玠罷新任以殿中侍御史林
大中言其驕橫陰險誣謾私任不顧是否故也 八月
五日詔差充平江府許浦駐劄御前水軍統領郭安與
罷統領改撥付殿前司降一等差遣以其盜取官場竹
木裹私使用及收受船脚錢入己為都統劉震所按也
七日詔內侍朱紹祖所為不法送永州居住 十八
日詔知信陽軍張安中別與差遣以臣僚言其頃知婺
源科罰聚斂及倖鄂州與吏通同取受賄賂故也 十
九日詔江西提刑吳宗旦鬱林州教授黃奕並放罷以
臣僚言宗旦前為廣西提刑巡歷本部奉法不度並緣
貨賂妄為為宗旦館客相與評議輕率妄作重為廣西
之害乞並賜罷黜故有是命 二十九日詔知長寧軍

職官七三之八

廖唐英放罷以本路安撫王卿月言其貪墨無厭故也
九月十六日詔知南平軍任庭實別與官觀一次理
作自陳以本路提刑母丘恪言其昏耄無政聽從吏胥
招致夷人本軍界玩侮作過故也 十八日詔肇慶府
通判劉煥放罷以本路提刑方崧卿言煥權府日斷李
次易等罪不遵三尺慈情輕重故有是命 十九日詔
邕州駐劄東南第十三正將蕭世弼放罷以本路運判
朱晞顏言其不法三十餘事及詐作小書自批印紙又
凌轢總管沙世堅動多悖戾乙賜罷黜故也 二十一
日詔大理少卿俞澈差主管建寧府夷山冲佑觀理作
自陳以言者論其斷刑之官而明審不足輕重不倫難
任延平故也 二十五日詔知嚴州葉壽放罷以臣僚
言其性本貪汙濇以苛酷專事稽覈盡入私帑故也
十月三日詔新和台州魏欽緒新知復州祝大任並罷
新任皆以累任不法為臣僚論列故也 九日詔知南
平軍任庭實降一官放罷以制置使京鏞言其與夷酋
楊軫私相交結受其金銀蜜蠟乃令於禁路往來因緣
生心致其作過故有是命 十八日詔常州通判陳大
光常熟縣丞傅巖並放罷以提舉常平言其心術傾險
見於政事刻薄撻斂故也 二十日詔知永州趙善德
降一官放罷以本路運判陳傳良言其以刻薄之資行
苛擾之政專務聚斂公為欺誣故也 二十八日詔主

管建寧府武夷山冲佑觀唐叔玠特降一官放罷以臣
僚言其前知舒州私鑄錢過於正額之數故也 十
二月三十日詔內侍楊皓懷姙悉眷杖十五刺面配
吉州黃邁私相朋附杖八十編管撫州繼而暗送撫州
居住過送常州居住 三年正月四日詔權發遣茂州
王師雄降一官放罷本州司戶孫粹中知崇 府貴原
楊孟為放罷以四川制置言師雄身任邊守公肆貪汙
暴橫不法粹中民訴其挾州郡之勢動輒妄作孟為隄
很苛虐視民疾苦累不加恤故有是命 六日詔劉焯
與官觀差遣張濟降兩官錢之望許及之降一官坐部
內行使私鐵錢故也 二月八日詔知茂州龐觀放罷

卷三十八百九十一

部大提舉茶馬司言其凡遇綱馬到管下驛舍不批草
料押令百姓出備綱馬因此病斃故有是命 十九日
詔知和州張士元放罷以言者論其鐵錢科雜稅米殘
虐侵刻鑿空生事流毒一方乞賜罷黜故有是命 二
十七日詔前知茂州王師雄降兩官勒停令見勘官司
疾速具案聞奏以御史郭德麟論其充暴直入制置使
帳門公肆毀罵有臣子諱問之語師雄陵犯制帥之罪
當先追勒其贓汙不法從所委監司從公勘結具案聞
奏別賜施行故有是命 三月二日詔准東提舉司幹
官李模降一官放罷以臣僚論其恣橫兇暴自使比為
異類故也 同日詔承議郎恭松降一官與遠小監當

差遣松係年五十以上不曾銓試中之人引故乞知長
林縣銓曾以其非殘零棄闕不應注授松乃直造公廳
高聲無禮尚書趙汝愚劾之故有是命 九日詔前平
江府許清水軍統制陳緒降兩官羊滋展三年磨勘以
本軍都統司言緒等閑借官錢令將官董端等在外販
賣私鹽故有是命 同日詔興元府屯駐右軍統制程
繪降一官坐私役軍兵故也 二十三日詔階州司理
蓋百樂降一官放罷知福津縣宇文景仁降一官以本
路提刑朱致知奏百樂昏嫖不職將平人李百三等妄
指為賊拷打寒凍不恤致其左脚及指節零落時宇文
景仁權攝獄事亦縱容拷訊故有是命 二十七日詔

卷三十八百九十二

持服人承奉郎韓休降兩官勒停承奉郎韓杰降一官
展二期故承奉郎韓本宣義郎韓相各降一官並坐不
辨父彥古葬事互有論訴故也 四月十日詔建康府
簽判趙公磁差主管台州崇道觀江東安撫司指使龔
汝錫降兩官汝錫監本府酒庫盜酒入已數月不賞公
磁提舉酒政首為不法公受庫中私餽並為守臣劾之
故有是命 十二日詔知資州范仲虎差主管台州崇
道觀知榮州張安之降一官放罷以制置使京鏗奏資
榮二州早饑仲虎則嫁饑無措安之則貪狼不顧視饑
民流離死亡畧不介意仲虎却無顧過安之畧無顧牆
故有是命 十九日詔太學博士祝禹圭與外任以言

者論其事告人皆畏之至其居家尤無行檢身嘗
出妻物議所薄故有是命 五月二十四日詔第十二
副將宜州駐劄馬德降兩官放罷宜州接界諸蠻每乘
秋冬水淺出沒省地至春深江漲方乃寧息德受帥司
檄將帶軍兵上邊巡緝隄備乃逗留畏縮去住自由為
帥臣奏劾故有是命 六月一日詔前知邵武軍趙師
造降兩官司理參軍張令照降一官放罷師造前知邵
武日接奏建寧知縣韋滑心不法七項其六無實迹縱
容獄司假作干照肆為欺罔以應元奏令照奉承郡守
之意昏膠任吏有同兒戲全不覺察並以臣僚論列故
有是命 十四日詔大理評事明興祖放罷新知隆慶

卷三十八九

府閩正孫新知臨江軍黃直中並罷新任以侍御史林
大中言與祖於刑法旨意情不通曉四方奏案假手一
斷刑法司每月分已俸以給之正孫免險可畏知嘉州
益無絕檢直中貪鄙侵欺水脚錢驚賣漕試故也 二
十日詔前閩門祇候尉端信降兩官除名端信母翟氏
身故不解官持服冒請俸給故也 二十五日詔温州
通判傅頤坑治司檢路官將蓋各降一官放罷頤被檄
往處州審問大辟其所帶人從販賣私鹽傳頤全不鈐
束因致捕捉殺死人命麗水縣有銀礦與發爭訟未已
蓋輒令坑匠採取致爭聞殺人提刑陳衍劾之故有是
命 七月十九日詔罷知文州王洸新知梅州陳友聞

知閬州平泉縣李材甫以言者論沈前知梁山軍百姓
訴早不惟却其狀至有善捷而遺遂者制司發米蘆南
俾其賑濟亦復不肯散取友聞前為廣州增城縣專事
科罰以濟貪婪材甫不受人戶所訴早荒及人戶訴于
本州州中制漕兩司共捐一萬緡與減放人戶稅米材
甫乃申兩司謂稅米若行減放恐妨其他催科故有是
命 二十五日詔建康府駐劄御前軍步軍統制王師
道與官觀坐不覺察本軍軍器致庫子將帶甲黑布袖
襖解典為都統趙濟所劾也 八月二日詔保寧軍節
度推官趙善謙降一官放罷本州委善謙措置發泄煮
酒乃與吏人作弊及借貸官錢入已守臣趙師龍劾之

卷三十九

故有是命 六日詔通判臨安府方傳與官觀理作自
陳守臣表說友言其年未得疾精神短弱官事盡廢盡
出吏手難以協濟郡政故也 同日詔平州臨平縣尉
袁大明降一資放罷大明被檄為雅州秋試考官將重
疊押韻卷子作合格取放本路運判王凝劾之故有是
命 十三日詔武岡軍發判薛大圭放罷以守臣李浩
言其凌上忽下貪財妄取故有是命 十四日詔武功
大夫張彥臣降授武器大夫武功大夫濟州防禦使霍
汝翼降授寄資武功大夫遂郡刺史皆坐弛慢不職故
有是命 十八日詔前襄陽府宜城縣令持服錢遜降
兩資候服闋日與遠小監當差遣逃居天台貸米穀與

逃軍周念二等令各持亮器護送私鹽藏於其家為縣尉捕獲本路提舉黃唐言之故有是命 二十六日詔入內侍省內侍高品李元美降兩官放罷與轉歸吏部坐在任不法故也 二十七日詔知紹興府新昌縣唐叔翰放罷以守臣趙不流提舉黃唐言其膠庠權移吏胥違法害民征欽太並刑罰太苛乞賜罷職故有是命 二十八日詔入內侍省西頭供奉官詹思殿祇候修內司承受毛居實送真州編管坐禁中語言不遜故也 九月二日詔江東提刑司檢法官向公擇放罷以臣僚言其貪縱不法無禮使長故也 十六日詔荆湖北路兵馬副都監澧州駐劄董傳才放罷以守臣王

卷三十八百九十三

正功言其貪婪狠傲侵撓州權少不如意即加謗讟而又恃其兇暴肆為不法故有是命 十月十八日詔前隨州隨縣尉邢彥大降一官坐在任日透漏白銀銅錢故也 二十五日詔新知袁州呂行已差主管台州崇道觀理作自陳以臣僚言其貪婪不法背公營私耽樂宴飲科需稽剋項目甚多故有是命 十一月九日詔利州兵馬都監馬衍予新監文州在城商稅君錫各降一官放罷本路運判楊玉休言衍瘡兇容愚非理酷刑及造誣解汧峨長官君錫抗拒府吏持仗傷人乞並罷黜故有是命 十六日詔太平州朱石鎮屯駐本司水軍統制郭師彥降兩官令本軍自劾以本軍都統趙濟

言其不覺察將官田廣科率所部連遭隊伍之人陳訴及總領鄭湜言其委有指克事迹士卒不堪頗有斷手自斃者故有是命 二十五日詔直敷文閣主管建寧府武夷山冲佑觀史彌正落職罷官觀明州有富民屬雄者迫脅佃戶諸百十五自刑彌正與李唐佐高俊詐欺雄官會為請求守臣高愛欲從末減愛因劾之故有是命 十二月二日詔前成都府路提刑王齊興罷新任江東提刑澧州通判張恂安撫司幹官郭仲溥並放罷內中溥降三資兵馬都監高適降兩官放罷今後不得與親民差遣並坐澧州軍亂措置無策為制置使邱密奏劾也 十七日詔保義郎李珙降一官坐置大樓

卷三十八百九十三

上不用心有願致延燒民居四百六十餘間為察官論列故也 四年正月十四日詔右文殿修撰知明州高慶降一官與邊郡以本路提刑陳倚言本州勸屬雄迫脅佃戶身死事變姪復受屬雄錢物一千七百餘緡既敗露慶隱而不言故也 二月八日詔新知廣安軍趙楨罷新任以本路運判王澆言楨天資狠戾至老不衰專以聲勢氣焰侵凌長吏故也 三月四日詔殿前司右軍統領新周降一官仍降充左軍正將以本軍統制張壽昌官周將本司告報文字不行簽押用筆毀抹犯分無理故有是命 十七日詔鎮江府駐劄御前中軍統領馬世福降兩官充副將以都統閻世雄言世福因

部押人馬往定州出戍軌於戍所一意營私侵盜官錢
刺飲將士有害軍政乞行責降在軍使喚故有是命
四月二日詔新慶路提刑王樸新差知珍州施次尹並
與官觀理作自陳以制置使邱密言樸昏老嗜酒言語
失度前知閬州初無治狀且乏廉聲次尹素非良士屢
以賊敗乞並罷新任故有是命 八日詔隆州通判張
兼放罷本路提刑楊王休言兼將經總制轉移項目別
置私恩肆行貪饕侵欺入已故有是命 十六日詔准
東副總管楊州駐劄馬定遠與官觀以守臣錢之望言
舊例副總管每遇大閱必操甲入教場身先士卒定遠
當春大閱乃謁告不出偃蹇失職故有是命 二十五

卷三十三 見十一

日詔常德府通判趙善彥降一官放罷以本路提刑張
咳言其臨事浮疎侮慢守長侵盜官錢以資妄用乞賜
罷黜故有是命 五月二日詔前軍統領田俊邁免根
勒特追兩官勒停田允濟特降一官以本軍都統制王
宗廉按發俊邁有人已賊四川制置司體究未上也
四日詔祁州團練使入內侍省副都知李彥正明州
觀察使入內侍省押班楊舜卿各降一官坐職事故
慢故也 五日詔判太史局吳澤荆大猷孝榮周端
友各降一官並以文德殿鐘鼓院供進史鼓差錯職事
不謹故也 七月八日詔知容州宋翊與官觀以本路
諸司言其生事科擾乞賜罷黜故有是命 九日詔新

東南第十一正將廣州駐劄翁進罷新任以知宜州沙
世堅言進兩為副將並以凌轢恣橫敗壞軍律乞賜罷
黜故有是命 十九日詔知邵州胡澄與辰二年磨勘
錄事參軍權通判推官費瑋司理參軍權判官李邠各
降一資以本路提刑言其兩年之間兩獄度死獄囚至
多如段聲誣告之獄追逮淹繫殆將一年死者亦至三
人故有是命 八月三日詔泉州同安縣尉鍾安老追
兩資勒停錄事參軍鄧繼功降兩資放罷以本路提刑
盧彥德言安老將竊盜三人換作強盜一十一人覲圖
推賞繼功鞠職徇情輕視人命軌將竊盜八為死罪故
有八命 同日詔知西和州喻文然放罷以四川制置

卷三十三 見十一

使邱密言其徇情廢法故有是命 二十四日詔知復
州程渭老新知惠州梁揚名並放罷以臣僚言其刻薄
貪暴故也 九月十三日詔知湖州趙允夫放罷以運
判王厚之言其不法故也 十一月九日詔池州駐劄
御前中軍統制崔公亮降充江州都統司統領以前軍
部將中行訴其提點諸處營運息錢惟務峻急以彌縫
主帥之意納錢稍遲輒加筆決極其苦楚故也 十一
日詔知閬州樊漢炳放罷以侍御史張叔椿言其摭敘
賊汙故也 同日詔光州通判事萬侯侃降一官坐不
覺察姦民越准作過故也 五年正月二十一日詔臨
安府通判楊文舉特展二年磨勘臨安府湖州巡轄馬

遞鋪使臣梁青特降一官並以本界遞兵連滯金字牌時刻故也 二十九日詔賀州通判張適臨江軍通判李鼎之並放罷內張適永不得與親民差遣以臣僚言適擅賣官鹽及指改封樁庫文曆侵盜官錢入已鼎之信任吏輩交通關節專肆誅求改也 二月七日詔新知常德府趙鼎與官觀理作自陳以臣僚言其廢職小予初不知書觸事面牆累汙白簡難任寄改也 十七日詔興州都統司計議官王公沂放罷以四川制置使邱富言其因都統吳玠身改招權生事率意更易事務軍中籍籍幾至生變乞行罷黜故有是命 十八日詔知贛州信豐縣趙善蒙放罷以守臣林大中言善蒙上

卷三十八

不能律已次不能決訟下不能理財若復付以縣寄必為百里之害故也 四月十三日詔衡州通判王恭之放罷以本路提刑言恭之擅在本廳私置文牒拘收人戶免倍稅牙契錢取撥免借動以干計故有是命 二十五日詔知建寧府浦城縣鮑恭叔降兩官放罷永不得與親民差遣以本路提刑趙像之言恭叔妄將平人毛少直劾作大辟故有是命 五月二日詔知辰州林洪放罷以臣僚言洪本州敘浦縣管下徭賦入省地作過不能措置又不即時聞報諸司致其擾害委為不職故有是命 二十日詔四川制置司幹辦公事李協放罷以制置使言恃酒無禮慢罵也 二十八日詔知鳳

州郭濟罷知州事依舊興元府御前右軍統制通判郭公緒放罷以本路諸司言諸等各恃異議互相矛盾在州官屬分明立黨競為間謀郡事廢弛改也 以上光宗會要 紹熙五年七月二十四日知臨安府王厚之放罷以臣僚論其好任私意肆為異說聞於聽訟短於治劇 二十七日幹辦內東門司符滌別與差遣以臣僚論其得罪太上皇帝難令再入泰安官供奉 八月五日拱衛大夫永州防禦使入內侍省押班陳源放罷與在外官觀仍送撫州居住追三官勒停親衛大夫清遠軍承宣使入內侍省押班林億年放罷與在外官觀仍送常州居住降三官右武大夫明州觀察使入

卷三十八

內侍省副都知楊舜卿放罷與在外任便居住仍降三官先是臣僚言源等離間兩官中外切齒並罷職與祠既而臣僚再論其誅復官聞幾危社稷物論未平復有是命 同日保安郎郭儀翰林醫知事九齡翰林醫痊尉仲堅各降一官以監察御史楊大湜言儀等所進壽皇聖帝脉狀庸謬也 二十七日秘書郎曾三聘放罷以左司諫黃艾言三聘徇諸宰執臺諫侍從之門傳遞言語 十月二日國子監丞劉大臨軍器監丞曾祕太府寺丞任清叟宗正寺主簿李友直並與外任以臣僚言大臨氣習驕暴秘資票凡庸清叟趨向卑下友直年餘耄 同日少保觀文殿大學士元醴泉觀使衛國

公留正罷職名以臣僚言正私心既勝公道不立潛出國門不顧君父暨加召用徑入都堂畧不逃避二十三日起居郎沈有開與宮觀以臣僚言其回邪讒謫阿附勢要閏十月二日尚右郎官暨放罷以右諫議大夫張叔樞言其凡所居官悉無善狀三日刑部侍郎梁總與郎以臣僚言其天資狠俗志趣凡下在版曹則不肯任責適國信則所用非人十二月九日中書舍人陳傳良與宮觀以御史中丞謝深甫言其荒蕩辛弄疾依託朱熹慶元元年二月五日殿前司前軍統領楊世雄降兩等差遣以主帥郭果言世雄軍律不修致令士卒為盜二十一日遣中使以章示右丞相趙

卷三十八百九十二

汝愚出國門以臣僚言其任情恣行恬不疑畏雖官寺無條折束交於都堂之上不顧大臣之體同日右軍統制陳成祖特降兩官以鎮江都統制閻世雄奏成祖不即捕捉本軍官兵薛顯等劫盜居民故縱不職二十四日朝散大夫權工部侍郎知院要所徐誼放罷以監察御史劉德秀言誼素無士行河附權臣詞狀淹積盜賊公行二十五日權兵部侍郎章穎與官觀以言者論穎反誠臺諫附下同工無所忌憚三月二十八日新除直龍圖閣湖南運副李祥國子博士楊簡並放罷以臣僚言祥諂事權臣素無蕪聲簡專事虛偽初無寸長四月二日宣教師太府寺丞呂祖儉朋比同上

送詔州安置二十七日權工部郎官田澹放罷以侍御史楊大灝言其天資陰險越操凡陋論說橫議播紳共駭六月三日司農主簿張鑑放罷以臣僚言鑑與叔宗尹交爭沙灘同日國子博士孫元卿國子正陳武太學正袁熒並放罷以臣僚言太學暗號私取之弊此三人者實為之十九日國子司業汪達放罷以臣僚昨論三人罷黜違執入奏辨明二十六日武節郎前軍統領魏知常特降兩官放罷坐減剋軍食入已凡事悉縱有害軍政七月十四日觀文殿大學士銀青光祿大夫提舉洞霄宮趙汝愚落職朝請大夫權尚書刑部侍郎鄭昉與鄭朝奉郎監察御史吳玘官觀秉義

卷三十八百九十三

郎差知濠州張致遠放罷以臣僚言汝愚自恃有恩玩侮君上鄭昉草制乃深懷薦引之恩巧作譎佞之語吳玘不避交通之跡公然上疏乞止宰相掩蔽之行武臣張致遠受其親密之指朝辭上殿乞宰相無樞密使故有是命二十四日朝奉郎吳玘罷官觀降兩官以臣僚論玘前居風憲阿附權臣八月六日壽康宮詹思殿祇候提轄造作罷孝德降兩官放罷以應奉不謹也二十三日左司郎官李謙放罷以臣僚言謙都司機務率意妄作同列畏其兇饒弗敢措辭同日內侍徐考叔送郴州居住坐扇搖官禁故也九月二十八日權戶部侍郎薛叔似放罷以言者論叔似諂媚權臣同

惡相濟 十一月一日武學博士蔣米更放罷以殿中
侍御史黃輔奏米更叨掌殿廬點檢試卷擬陳亮試卷
在首選亮引需卦輕侮君父 二十四日銀青光祿大
夫提舉洞霄宮趙汝愚責授寧遠軍節度副使永州安
置朝散大夫徐誼責授惠州團練副使南安軍安置以
臣僚論昨者太上有疾政於重華過官之禮稍失常度
汝愚乃與其徒暴揚君父之失上書肆言意在動搖
二十五日少保觀文殿大學士克禮奏觀使衛國公留
正號職罷祠祿以臣僚言祖宗以來宗室不得參預機
政正軌破壞成法當幾危之際反倚偽學為助驅去復
來無廉無恥 二年三月十二月大理寺正羅克開寺

卷三百九十一

丞陳育壽大宋正丞范恭並放罷以言者論三人日夕
鼓扇縱飲無度凌蔑長貳畧無上下之分 同日朝請
郎試太府卿總領淮東軍馬錢糧葉適降兩官放罷以
臣僚言適阿附惟臣過從偽黨誣毀君上 十三日吏
部侍郎同知貢舉倪思與郡以監察御史姚愈言思有
鄉戚莫泳莫撫投牒避親自當照條揭示就試別院乃
作圖融私取遂致眾士籍籍 六月三日大理寺正陳
景俊罷黜以侍御史黃輔言景俊頃為許事奔走樞門
蹠蹠丞正 七月十一日秘書丞兼司封郎官邵康與
閻慢差遣以臣僚言康兼禮部郎官凡撰朝廷箋奏文
字全然荒謬 二十九日中書舍人宋之瑞放罷以侍

新設史姚愈言之端任依垣之職蓋以大詞鼓舞天下
而於結命畧不知有輕重指非為是指是為非以亂天
下之公論 八月十三日詔權兵部侍郎黃輔放罷與
祠祿以臣僚言輔昨為臺端因被御札不必言人雋事
同官姚愈等欲與同具奏回天聽却乃峻拒結遣人取
劉繫銜滑入一副小帖稍符臣等之說人皆駭聽 十
一月二十二日秘書省正字陳恒令試邑以臣僚言其
舉員已及格匿不改秩希求清望官 十二月九日大
理少卿張濟罷黜以言者論濟因周橫狂妄鼓眾上書
鞠之天獄平昔與偽學之黨同惡相濟 二年正月二
十八日太府少卿權戶部侍郎沈說與官觀以監察御

卷三百九十二

史張伯政言說倨傲自尊每聽吏言為之緩急任情自
用郎官無所容其畧 二月二日左司郎官鄭公顯放
罷與官觀理作自陳以言者論公顯資稟傾邪專事阿
附自外官得廟周行又復營私薦越轉官 二十五日
昭慶軍承宣使入內侍省押班王德謙與在外官觀
日下出門仍降三官改送撫州居住以監察御史張伯
政等言德謙不循分守僥求節鉞破壞成法畀以外祠
既而臣僚再言德謙罪惡貫盈賊汙狼藉同上弄權尚
叨外祠中外洵洵故有是命 二十九日中書舍人兼
直學士院吳宗旦特降三官送南康軍居住以臣僚言
宗旦居鄉恣橫當官貪婪阿附王德謙為作麻制 三

職官七三之一

月二十八日閤門舍人范廷放罷以臣僚言廷素無行檢每過飲燕必擊盃而歌召試閣職大理糾繆四月二十五日大理評事滕安展二年磨勘與在外差遣坐上殿失儀同日國子錄事仁傑與簽判差遣坐浮踪嗜進二十七日入內侍省西頭供奉官梁允中降一官坐奉大祀執事不恪監察御史糾察閏六月二十二日少保衛國公留正責授中大夫光祿卿分司西京邵州居住內降制留正口正而心邪色厲而內荏曩要君而固位專植黨以盜權八月一日太中大夫試禮部尚書傅伯奇與宮觀以其元不曾控陳補外所言欺罔十月十八日閤門宣贊舍人趙嵩降一官不理

卷三百九十三

今敕敍復坐紫宸殿撥引使人喫食差錯失儀二十七日朝奉大夫提舉江州太平興國宮章穎罷官祠以臣僚言國之姦逆一日趙汝愚二曰留正而章穎者正之鷹犬汝愚之爪牙以上寧宗會要慶元三年十一月二十五日責授中大夫光祿卿留正責授寧遠軍節度副使趙汝愚責授惠州團練副使徐誼韶州安置呂祖檢復官量移指揮更不施行以臣僚言此四人負罪深重不應用赦十二月二十二日大理評事薛極降一官以臣僚言極看詳刑名反覆失錯四年正月十一日武顯郎右軍統制李輔周特錫兩官降充將官以馬軍司奏輔周非理科數管事入周官材植起造私

職官七三之一

宅十五日通判臨安府潘好恭放罷以臣僚言好恭性資貪殘老而益甚累經罷黜畧不悛改十八日內侍霍誥夫追兩官送吏部與遠小監當月下押出國門毛居實蘇邦佐任邦俊各特降一官以誥夫擅取府思殿庫官物入己餘並坐不覺察二十七日新除尚左郎官彭演罷差知贛州以臣僚言演未經作郡任除監司遽叨郎選故有與郡之命二月十四日中亮大保康軍承宣使入內侍省都知霍汝翼與在京官觀以臣僚言汝翼蒙蔽男誥夫盜廢思殿庫官物入己同日朝請大夫起居郎張貴謨差主管建寧府武夷山冲佑觀以臣僚言貴謨陰邪姦險惟務柔佞二十

卷三百九十三

四日本常博士吳時顯放罷以言者論時顯累政貪汙不宜置於清選四月二十五日軍器監主簿洪楫放以殿中侍御史張釜言楫人物鄙猥居家無行醜聲外聞人所不齒五月十三日寺庫官提點官楊端友降一官放罷提舉官張彥臣提點官王思恭各降兩官以臣僚言彥臣康官門禁六月五日起復武功大夫榮州刺史主管侍衛步軍司公事張國珍特降兩官坐昨任許浦水軍統制修葺舟船減裂八月十九日正侍大夫昭信軍承宣使提舉佑神觀壽慈官提舉閔禮放罷不許入國門仍降兩官先以臣僚言禮乃王德諱之妻父同惡相濟罪狀昭著今又為妻之弟傳昌世於未

參部之前經營出給料錢文惠愈無忌憚是以罷黜既而臣僚再論禮欺君罔上願廢祖宗成法故復錫秩九月十二日司農寺丞張鑑與官觀理作自陳以臣僚言鑑本娶劉氏累年一旦棄之初無可出之過繼娶鄭氏乃其弟婦楊氏之女天下豈有母子自為姊妹之理同日俞茂象已降四轄指揮更不施行以臣僚論其不曾作邑巧於求破壞成法十月二十六日修武郎武鋒軍統領官王下錫一官降充準備將以守臣蔡必勝奏下不恤軍務格飲酷刑將士怨憤十一月十一日選鋒軍統制郭公亮錫三官降充自效以主將郭倪奏公亮身為統制所部正將楊威通同作弊有害軍

卷三六九十二

政五年正月九日咸忠郎特添差幹辦儀鸞司潘玠特降一官坐杖衣出儀鸞司門十九日王益祥陳與行新除架閣指揮追寢以監察御史張巖言前建康教授王益祥陳與行同惡相濟每臨月試漏題賣鸞至於冒名破食格剋齋用錢盡以歸己為師儒如此安可當此美擢二月十三日武畧郎幹辦皇城司李謙特降兩官坐牒試武舉人葉拱辰林善勝用皇城司印記取會隱諱洪說異同三月三日禮部侍郎胡紘放罷主管官告院徐似道降一官放罷以監察御史程松言宏辭命題絃實據斷今題不合典故古題出處不一絃獨指一出以告同列所取試卷體格非是以道方登朝行

輒敢附會胡紘結為黨與蔑視同僚四月二十二日秘書省校書郎李奎大理評事錢革並放罷以臣僚言奎父壽卒外官朝廷厚加贈送不滿其欲兜攬巨商所遇梓辱務官尤端郡守養蒙倖建康攝郡交通關節賦汙弗可勝計五月二十三日軍器監簿俞亨宗放罷以右正言陳自強言亨宗外事於持中懷凶詐近為省試點檢試卷官批鑒處弄二十五日司農寺丞潘子韶放罷以監察御史程松言子韶始與王大過輩俱將使指分道點檢軍器倉庾輒獨走荆鄂襄漢之境所至受餽仰瞻宴飲循私騷擾靡所不至六月八日知臨安府丁逢放罷與官觀理作自陳以臣僚言逢為尹京

卷三六九十三

畿兩側居民被火破家從吏留火術之請萬口嗟怨絕無憂民之心七月二十五日新除大理評事費瑋指揮寢罷以臣僚言瑋監雜賣場門墮買香貨出賣客人所得括利以為馬下支遣實為已私八月二十六日新除大理正高諤之放罷以臣僚言諤之曾任宜春專任客吏惟私是營每造什物動輒百計遂致席捲同日權禮部侍郎何異放罷以臣僚言異頃為奉常與張鑑厚密燕錫押婢既留正去國異在言路卒無一語之彈寢之禮侍尤為罔上二十八日後軍統制成彥節追兩官放罷坐格剋軍士盜用官錢有壞軍政以建康都統趙威奏故也九月十四日右軍統制雷霄特降兩

官充副將坐貪婪不法凌辱士卒墮壞軍政以興元都
統制田世輔奏改也 十月十二日已降六院指揮潘
景連已除架閣指揮楊炎正新除主管吏部架閣張時
舉並寢罷以臣僚言景連驕侮有餘貪冒無恥憑恃豪
富以妻得官炎正浮躁淺露使氣傲物妄以臆說譏詆
前輩時舉天資貪鄙至老不悛三為教官所至狼籍
六年正月九日大理卿趙師炳放罷與官觀理作自陳
以臣僚言師炳昏繆精力不逮 二十六日安遠軍承
宣使入內侍省都知甘昌放罷日下出門送水州居
住仍降兩官以臣僚言昌輒敢援王德謙例僥求官職
營建大第工役取辦於內司花石竊移於御苑納官人

卷三十八百九十二

以為寵恩恃威推覆干國政故有是故既而以給事中
范藝言為罪惡既明責罰未盡公法之所不容於是又
降兩官 閏二月五日司農寺丞許開放罷以臣僚言
開天資狼狽專事訛謔議論不顧是非惟務橫說恐亂
眾聽 三月四日大理評事向公擇放罷以臣僚言公
擇累汙白簡苟賤無恥不能守法律已豈能持法律人
二十七日朝請大夫王斐朝請郎李正通奉議郎張
頴新除六院指揮寢罷以臣僚言三人者眾所不齒所
至姦汙 四月二十五日中書舍人張伯瑛放罷以侍
御史汪義和言伯瑛叨列中舍專招鄉人代辭議者莫
不切笈 二十六日權知閣門事趙延放罷與添差總

管差遣以臣僚言延典領上閣妄自尊大資格未及
意希求 五月四日復少保觀文殿大學士衛國公致
仕留正恩命寢罷復元官致仕以監察御史林采言正
懷姦植黨亂法亂身伺變欺時背君負國惡積罪大年
免誅流尚冒觀文學士之大稱又少保衛國不當以之
賞 二十八日王仁周正已降六部架閣指揮寢免以
監察御史施康年奏二人者皆貪黷驕悍狠愎賊汙
八月二日秘書丞兼權司封郎官黃閏放罷以侍御史
陳諱言閏資本閭茸貪鄙險躁冒居清列不知進退
九月二十二日太常丞兼權倉部郎官陳廣壽放罷與
官觀理作陳以臣僚言廣壽居鄉則志橫在朝則貪墨

卷三十八百九十三

容臺蘭省實玷清班 二十七日中軍統制張師旦降
兩官放罷以侵盜官錢公務弛廢鄂州都統制趙淳奏
放也 十月十五日大理寺丞新除刑部員外郎錢密
議趣早汙情不更事成命初頒士論沸騰 二十一日
右曹郎官趙善義放罷坐奉使金國生事 嘉泰元年
二月八日軍器監王炎放罷以侍御史陳諱言炎心術
說謬趣向貪鄙交結偽徒廣酬詩句考試上庠不獨私
取知傷其子亦在選中 十二日少傅觀文殿大學士
周必大特降一官以監察御史施康年言比年以來偽
學之徒無所忌憚深根固蒂皆緣必大尚享亞傅之崇
爵祕殿之隆名望錫襁褓中外皆知其倡偽植黨欺

世盜名 十三日右軍統制梁顯特降三官元副將生
移易官錢科抑軍士專務營私不顧廉恥以興元都統
制郭果按劾故也 三月二十三日太學博士王克勤
留駿並放罷與宮祠理作自陳以臣僚論二人素無士
行且乏廉稱並置清華之莖士論切齒 四月四日觀
察使右武大夫主管待衛步軍司夏侯格降兩官放罷
以臣僚言楊浩家遺火延燒臨安城內民居殆十餘里
格酣酒未醒全不招呼救撲遂成大禍 五日武節郎
御史臺六察點檢大字楊浩特除名勒停進身出身文
字免真決判而配萬安軍永不得放還以右諫議大夫
程松言浩家遺漏其夜舉家張樂飲酒況於廟巡急欲

卷三百九十一

救撲其子執行叱罵箠打不容入救遂致延燒被禍者
不知幾萬家死者不知幾何人若依常法則民何負故
有是命 五月三日春官大夫判太史局吳澤隨龍春
官大夫判太史局特差御前祇應荆大聲夏官大夫判
太史局周瑞友各特降一官以臣僚言換象亦為重任
必須步占先事為詔告欲人君預聞修省也今都城遺
漏非小變也太史自宜前期占問于朝而此輩尸位素
餐謀無一語故有是命 二十七日監惠民藥局夏允
中放罷押出國門坐安八劉子與朝廷臺諫援引文彥
博故事乞令辭倪胄為相 同日太常寺主簿王柵國
子錄王保大並放罷以侍御史陳謙言柵公試偶預考

官輒用私意取鄉人為內舍文理統繆保大每遇私試
全不用心考校試卷悲情改抹二人皆非吉士不宜使
玷朝列 二十八日侍服保大軍節度使李孝純持服
奉寧軍節度使李孝友各特降一官其帶恩數依承宣
使體例善輜善讚並罷率府職以監察御史施康年言
孝純淳熙間因作東宮偽印文帖補官吏孝宗大怒編
置寧國繼歐人死錫秩勒停光宗登極改正既登工閣
前慈帝改孝友者悖理違禁究攬山地為墳殮取民山
竹木武康之民銜冤不已善輜善讚寓居括蒼僧舍寺
之田產占為己有今冒宗班尤為貪酷乞將四人重錮
庶俾改過自新故有是命 七月三日太中大夫權工

卷三百九十二

部侍郎兼知臨安府趙善堅與官觀理作自陳以臣僚
言善堅叨尹京都初無善政都城遺漏遂致燎原由平
時備不先具葦小騎屋縱煙說言恐眾不能彈壓故有
是命 八月二日前通判臨安府趙彥永不得與親
民差遣以臣僚言彥侯服闋從吉仍圖再倅天府然而
貪黷無恥終狀顯着尚何面目而再見吏民故有是命
二十六日權刑部郎官李直柔通判臨安府龔準並放
罷以臣僚言直柔賞緣疎丞遂攝刑部詞訟紛劇情然
不曉準今倅天府尤不循理奉法過備郡事恣情曲斷
十月十二日入內侍省麻思殿祇候郎官安仁與轉
行遙刺指揮寢罷以給事中張巖言安仁以年勞乞轉